



塞外吟

何輝綬題籤



夫抱薰者焦肅馨乃扇遇  
寒斯慄松吹自秦純鉤辟  
灌不吐穎良璞琢磨不貢  
輝故茲荃喻芳多騷客放  
廢之任江山俯助在逋臣  
遷適之區蓋輔暢襟靈發  
皇目寄愁天上升飛卜甸  
外一吼一嗔惆乎遠已同

字

丰鶴立儀表蚤豈賢書旋讀  
秋律兒寬方屈為從史蕭  
育乃強以誼響荷戈前驅  
奮衣徑往斯時也鷹風動  
地吹鄉夢以何見沙州愁  
天望靈脩不之沙州愁  
色邊茄咽響足以賦視聽

消肌骨矣君乃疲驢躑躅  
瘦杖敲鏗晞髮木葉之  
沈美松萼之木往周旋  
倫好繾綣骨月命往州  
極目川原霖不手為心  
情緣墨露中賢失職君  
安雅宜乎寓險一致甘  
均調曾無羈屑之晉別  
見

字

惟惻之旨馬角易生雞竿  
旋下蒼天與直青雲可階  
遂雪雁門之踣倍奮澗池  
之翼高捷甲科出宰畿緊  
泊膺上佐歷權大羈裁學  
萬株拔薤一臺評輿頌  
異口同稱狀後和蒼鷹將  
飛所故伏黃河一曲所干

里曩時以所呂兀其遇者  
正造物以所練其下也  
今者退過風於前林尋舊  
遊於既往哀其所以位覩為  
一編鴻爪已逾乎十丰鳳  
毛足驗其五已獲志以言見  
聲與政通將見吟何遜以  
梅攜清獻心鶴猶獸益茂

序

三

雅咏斯多天隨子云趙孟  
以詩卜僕即是以編卜之  
忝為喧引幸無墜言弟高  
道光乙巳春日丰愚弟高  
樹勲頓首拜撰

塞外唸

長白廣粵雲濤

慈恩寺中小住

祇園小住足怡情最是無官擔荷輕飯熟黃梁晨  
夢醒葵傾丹日寸心平安閒暫與僧同榻澹定欣  
聞梵有聲回首紅塵高十丈何分渭濁與涇清

四月初旬柳芽始綠詩以誌之

陽春吹萬正無涯淑氣來時處處嘉莫道塞垣殊  
冷暖昨朝綠柳已抽芽

塞外唸

戌所漫唸

高厚 君恩刻骨銘葭萌不出近郊坵瓜期準擬  
三年返驛路無須九折經只有詩書堪挂腹更無  
案牘屢勞形安閒歲月愁虛度且展陳編戶自扁  
眼前得失底須論舌在唇中且自捫撫已每慚能  
事少同人猶幸古風存雞雛食我情偏切山鳥呼  
名語更喧信步邊垣逢妙境水雲村外一花村

山僻

小巷有一賣花人家同台皆無知者信步閒游偶  
一逢之山窮水復疑無路柳暗花明又一村古人  
所云佳境無意得之

無山水并無田境外樓遲倍惘然一片荒沙迷  
望眼幾家部落起炊煙連朝霽色風吹曠四月清  
和雪滿天幸喜 皇朝多撫恤邊郵猶許寄衣縣  
城垣萬里境門過笳曲時聞徹夜歌入耳悲聲情  
趣少關心鄉夢客懷多牛羊隊隊相嘶野男婦家  
家各枕戈化日光天游 壽寓言旋跨沐 聖恩  
波

絮

三月時光綺序交風吹柳絮過溪橋南朝煙景頻

塞外吟

二

惆悵一樣輕盈別樣嬌

書復蓮溪襟丈信尾

終朝兀兀對山居雙鯉欣傳尺素書不道寒暄情  
自厚能令楮墨語無餘殷殷勸我藏無露鬱鬱慚  
佗憤未攄關塞勿遙青鳥至願聆藥石破拘墟

夜月有懷助堂

月來窗紙白夜半不成眠宦海帆初卸鵠原夢屢  
牽樸誠由性始節儉是家傳莫效余情急求魚復

失笠

寄內

結髮從年少無端悵遠行悲懽千里共冷暖兩心  
明愛我因知我憐卿更慰卿明年開壽寓指日  
卜歸程

無題

分淺何緣結情深不自持遙憐一弱女失恃在孩  
嬉秋老寒霜性春深芍藥姿溫和兼介節兩美洵  
堪思

杏花

塞外吟

三

山巖紅杏幾株花一段春光一段賒不信小樓聽  
雨夜花魂隨我到天涯

榆錢

物類原來嗜好殊沈郎空自羨庖廚青錢十萬閑  
拋棄不幸生爲塞上榆

寄懷養田二兄並昇福暹福

出門一步卽天涯夢想時榮棣萼華萱室寒暄勤  
問視鴿原急難莫咨嗟自慚躓垤無畱地還冀充  
閭善保家玉樹臨風多美質栽培長養願增加



卽景

波濁水無情山高路不平崎嶇增闊歷蕩漾笑分  
明幾見魚游樂疑從鳥道行東皋閒徙倚翹首戀

神京

抒懷

生平抱負爲名羈遭遇於今晦跡宜晤後鄉心常  
淡淡邇來詩思更遲遲臨風怕見折腰柳向日空  
瞻衛足葵健羨歸來陶靖節樂夫天命復奚疑

翫月

塞外吟

四

朗朗山頭月東皋騁遠瞻明欣千里共夢恐五更  
添懷抱同誰照孤高亦自嫌夜深形益小旅况句  
頻拈

蝸子草

沿隄小草以蟲名蠹尾傷人太不情要乞天公甚  
此種不教流毒誤蒼生

二米飯

張城米貴時人以白米黃米並煮爲飯名曰二米飯子日食兩頓殊覺味

美而耐饑

曩昔雙弓造語奇誰知二米更相宜黃金白玉藍

田種解我愁腸療我飢

### 登山

一山潑翠一山藍  
雨霽風清著色酣  
觸目每懷經  
埳躓關心猶恐向  
幽探此番越歷皆  
高頂到處栖  
遲有野庵乘興歸  
來多盡致夕陽晚  
照樂尤耽

### 龍泉寺

居址在永豐堡山頂最高處下有澗水由殿階中流出此寺多歷年所廟

宇常新溪流永注汨汨然晝夜不絕張城之佳勝也

澗底風生五月寒  
龍泉古寺樂盤桓  
道人怪我頑  
如石不愛溪山只愛官

### 塞外吟

五

居山險境皆平履  
宦海微波卽逆灘  
試看祇園最高處  
溪流汨汨永安瀾

### 寄懷眞菴姊丈並姊姊

嫺姪葭莩二十年  
情同骨肉意同憐  
何因中道分  
窮達一志公卿一學仙

文章有價子先售

眞菴癸酉拔貢僕辛巳始得中式相去已九歷年所矣

軻

輒無端我隱憂  
羨煞峴山羊  
叔子終朝緩帶與輕

裘

僕性欲速速則不達眞菴性緩事緩則圓矣

大隱每卑中隱志  
暫閑應與久閑殊  
歸來指日重

相聚煮粥然鬚樂自娛

欲將山水慰離懷山不清華水不佳想到春明風  
景麗解嘲無賴句難諧

不寐

悽悽旅況夜厭厭一覺何曾到黑甜客味慣嘗塵  
夢斷家書不至戍愁添別無慰解聽風雨那有心  
思問冷炎輾轉不違形共影孤燈相照兩相嫌

寄內

羈孤無日不思歸思到歸時恐又非頂祝無疆歌  
塞外吟

六

壽考長傾葵藿望 恩暉

我有詩書消歲月卿安節儉守家門齏鹽朝暮無  
多味中饋操持莫等論

遙隣二女在髫齡寒暑風霜未慣經全賴慈幃多  
庇蔭攜持保抱費調停

孤身形影太無聊搜索枯腸作解嘲寄語邊疆無  
別事閒居日日復朝朝

署張城理事分府直隸制軍麾下筆政毓麟

圖俸滿進京詩以送之

道路分窮達交情乃見深閑居頻作賦流水和彈  
琴遠塞逢青眼同岑愜素心天涯誰共賞司馬是  
知音

落落原難合匆匆遽別離去思留遠檄特達仰

恩施麟圃由張城進城引見後卽行實授理事分府驛野馳驅慣鵬程

遠大期英才真卓犖後會訂他時

鄂若帆惠寄邯鄲夢四本詩以感之

一枕黃梁醒未曾茫茫宦海詎能憑升沈頃刻如  
風電過眼榮枯敗復興

塞外吟

七

而今不作夢中人冷澹爲懽閱歷真惟有同心膠  
漆友時縈寤轂往來頻

寄懷蓮溪襟丈兼問心農內兄

塞上懷嫺姪遙遙各一方情深愁夢短客久恨天  
長郵報傳消息寒家賴主張無文緣至戚摯誼劇  
難忘

爲問中州使精神似舊不離蹤經六載馳想幾三

秋掃墓人應健酬知志莫休願延思永意靖

獻有嘉謀

午日有感

亦是天中節邊堦便不同淒涼形共影倏忽雨還  
風幾見香羅疊都無艾綬叢蛙鳴溝水黑鴉噪夕  
陽紅冷意侵肌骨邊聲厭聽聰曲翻笳鼓調席煖  
爨煙烘俎豆馨香遠詩書奕葉崇先靈誰祀奉  
後輩望閭充雁影行離序琴聲韻未工談心惟難  
友舉目有癡僮愛狎披貂客渾忘失馬翁當茲重  
五日佳信望鱗鴻

山雲

塞外吟

八

山自青青雲自白山光雲影兩嵯峨要知出岫無  
心意且樂安閑閱歷多

白雲

山雲舒匹練熱客未容見淡淡復悠悠令人生健  
羨

放言

不羨公侯不學僊西窗高臥日安眠慣能壽世觀  
滄海別有胸懷敞洞天舉重若輕眞鉅手傳人惟  
我乃仔肩乾坤笑傲誰知己泛宅浮家任自然

日短尙堪混俗日長無可逃禪朝朝翰墨濡染仍  
困未了前緣

入世原非釋道居官敢比儒流皇皇聖意參透滿  
腔熱血難收

慵騰有枕相伴馨歎無人解嘲欲卜歸期預兆焚  
香試索瓊茅

季鷹每憶蕤美靖節猶歌菊存若問先賢意旨故  
鄉樂有蓬門

塞外吟

九

五月初七至十七日內四得內人家信詩  
以喜之

一別離三月經旬得四緘喜因皆手翰珍更擬瑤  
函摯語宣諸楮酸心拭以衫情深非氣短內顧遠  
人咸

養田兄寄示五律二首言昇邈兩福讀書有  
進且能學詩詩以喜之卽用元韻

正切池塘想欣傳雁足詩此心惟雪澹安命俟星  
移未屆刀環日先懷被共時情眞因語摯不覺反

成癡

余自三月到口迄今甫經四個月來詩卽有長安會面之句未免期見過甚聊作此詩爲

養田

兄解嘲

世代簪纓盛恩勤具在斯前程期遠大志道辨微  
危總角時方卯趨庭學構思相欣書萬卷不飽蠹  
魚兒

六月初九日同台友龔名正謙者言及明年

五旬萬壽聞有曠典恩施至晚喜而

酣睡夢中得七言二句天初玉鏡開韶景  
人正金鞍到鳳城蓋吉兆也醒以續之

塞外吟

十

夢入華胥月五更醒來得句記分明天初玉鏡開  
韶景人正金鞍到鳳城華祝三多山亦喜芝生萬  
載草還榮同瞻舜世重光日願矢丹忱效藿傾

自述歌

我欲承懽我幼孤我欲鞠躬我無職思忠思孝俱  
未能抱此孤衷徒悚慙屬毛離裏親之恩履厚戴  
高君之德報恩事死甚事生報德用勞猶用力君  
不見毛詩欲廢蓼莪篇每讀劬勞淚注臆又不見  
漢使持節牧羊人忍食寒毡在異域昔賢往哲步

難追清夜捫心三歎息六歲失怙依慈幃有弟未  
生母憫惻十三失恃正髫齡拊字幸邀伯撫拭口  
授心傳讀六經七試鄉闈始攀陟無端斗米學折  
腰作吏規模勉矜式師箴庭訓敢輕違宦海波濤  
苦相逼吁嗟乎王道無蕩更無平人生有通卽有  
塞胡不委心任去畱靜聽盈虛守柔克

賈漁村期滿旋京詩以送之

滕王高閣歎長沙媿美前蹤倍可嘉吐茹不陳臧  
共否步趨惟辨正同邪時書雪案來禽帖慣飲村

塞外吟

十一

醪處士家六載瓜期如一日芳顏未改髻毛華  
相逢沙漠共憂勤歧路而今南北分惟願清風常  
伴我每看明月便思君堅凝久貯壺中玉絢綵重  
新錦上紋此去扶輪眞大疋無心莫作等閑雲

時維七月塞上氣寒早晚卽衣棉裘率成七

絕二首用東坡秋思寄子由韻以寄子助

長夏纔過甫及秋葛裳脫去卽輕裘無情好笑忘  
情侶漠不關情似馬牛

爽籟方生卽晚秋累君歲歲寄棉裘最慚守拙無



長策也學齊卿自飯牛

縱筆

黃卷青燈舊有緣  
唵風弄月似瀛仙  
今朝若荷臨  
民責斷卻書香亦可憐

近況二首寄示內人

西風送爽北窗寒  
不見南山且自懽  
東道主人偏  
好客毋嫌市遠備盤餐  
夜不成眠晨起遲  
午閒攤飯更相宜  
夕陽晚步無  
他事飽看雲煙變態奇

塞外吟

三

塞上五絕用東坡村居五絕韻

蕩蕩平平路不斜  
更無澗草與巖花  
太平久見銷  
兵燹雨露偏深塞外家

風送琵琶斷續聲  
北方樂利足安生  
但期草美牛  
羊壯不用提壺解勸耕

不治長犁與短鎌  
充饑腐乳自甘甜  
別生風味多  
饒裕那用斷斷較米鹽

光陰正好去恩恩  
到手榮華轉眼空  
莫怪邊垣多  
莽漢也來相話難塗中

素餐頓頓向人羞  
詩酒相懽不解愁  
十二台遙風景異  
無端偕友作羈游

寄懷姪兒靜兒

膝前何所悅  
二女可承懽  
鈍魯吾之願  
聰明爾莫殫  
關心憐掌上  
得意寫毫端  
指顧刀環日  
閒情樂共安

僕於道光十年二月獲咎發往軍台効力路

過張城小住數日偕友歷游名勝遍觀物

產與夫器具之有異於京華者凡廿一種

塞外吟

三

率成五絕用東坡歧下詩二十一首韻

大境門

矗矗境門牆  
牆頭有廟堂  
咽喉扼要路  
俎豆萬年

香

通橋

縱目望通橋  
石光白似縞  
往來行路人不踏  
相思

草

築壩

野人相負石  
引水過溪橋  
自食經營力  
辛勤暮復

朝

賜兒山

山以賜兒名憐人嗣續急種德果縣縣螽斯自揖

魚兒山

占雨更占晴山頭有寶鑑時明時復隱見道昇恆  
泛

龍泉寺

誰茈祇園蔭巖居四五家謀生惟水利獻佛借山

塞外吟

齒

花

王家墳

有興卽有衰莫漫言風水赫赫王將軍非無克肖  
子

牛車

百輛盈門入執鞭只一人前車引後轍步步妙相

因

蓬車

仕旅與工商無分臧與否一車八九人盤坐如卵

纍

蔚炭

試想薪爲炭桑條與柳條何如礬美石焙火煖通

宵唐韻礬美石黑色

火石

莫道塞山寒有石取新火莫嫌燴如星陽春回亦

可

西瓜

有瓜大似斛呈素內含紅爲問因何美邊垣著雨

塞外唸

五

穠

王瓜

五月王瓜熟肩挑力不勝嚼來涼沁齒何用助冬

冰

茄子

莫嫌茄熟晚棗樹已成槎汝長如懸膽吾來甫及

瓜

蔓菁

絕大團如斗蔓菁脆且芳食來堪助酒莫怪次公

狂

回子山藥

不必深山採寒畦灌溉生況爲西域種最好助羊羹

莜麪

亦應清和節油油數畝陰旅人宜不食飽夢鄉

深莜麪食多思睡

奶豆腐

豆乳同牛乳相懸兩不干一經水乳後味美可盤

塞外吟

六

餐

犬

家家畜猛犬報主能忘身守夜防宵小何須更用

人

鴉

塞上有寒鴉春來秋復去任他南北行動我回鄉

思

黃蘿蔔

土酥名正恰黃麗菊花乾亦得中央氣朝朝湛露

僚友瑞禹庭有瓜田數畝形大味甜真可謂  
蜜甯也每屆瓜熟相送數十個僕深嗜之  
頃守瓜塞外得家信知禹庭心殷舊雨照  
常投瓜情殊可感詩以報之

未屆瓜期已得瓜傳來風味勝天涯賓朋交好情  
猶昨婦女嘗新興倍賒百子衾原甜似蜜三仙祠  
可樹其華栖栖媿我居邊塞口福緣慳亦可嗟

喜食糟魚寄示妞兒靜兒

塞外吟

七

南方風味北方宜齒頰流芬溢朵頤頓釋蓴鱸興  
去意能令劍缺止歌思割鮮恰比銀絲膾助美無  
勞玉漏卮寄示兒曹堪笑語邇來饕餮過疇時

塞蝶

蛾兒生塞上時趁馬蹄飛只解棲芳草何曾繞翠  
圍花房傳粉澹柳岸瘦腰稀也解迎人意翩翩向  
客依

沙燕

差池瞻厥羽大漠燕雙雙似懼巢危幕時來睇雪

窗有形堪作翦無語不成腔那及鴻同鵠飛搏萬  
里江

軍台書事五首

勞勞來塞上六度月蟾圓往事慚心拙容身寄地  
偏情傷黃葉落日送白雲懸天下無多事氈房鎮  
日眠

甫經過七夕將見火西流似到重陽日疑無八月  
秋飛沙風震谷匝野雪盈溝轉瞬三冬景冰霜動  
客愁

塞外吟

太

峯巒圍雉堞鷓鴣出龍沙縣絕堪馳馬平原易走  
車金蓮還馥郁墨菊亦萌芽土產宜相記歸來話  
物華

纓絡家家佩琵琶處處音俗原邠野儉歌較鄭聲  
淫舐犢牛無喘防人犬用金邊隅多向化乳酪獻  
歸心

強自加餐飯無令減帶圍賞心惟楮墨得句借芳  
菲不效途窮哭常欣澤畔歸昔賢頻去取寄跡慎  
依違

老少年

比鄰相贈一枝妍，獨倚荒垣暝日鮮。  
試問妖桃與綺李，可能秋後反韶年。  
不與羣芳共鬪妍，闌珊偏覺入秋鮮。  
能經塞上風霜冷，無媿呼爲老少年。

梳妝樓弔古

別樣梳妝起畫樓，前朝兵甲幾時休。  
頓增巾幘英雄氣，常使中原將士愁。  
畢竟羈縻終乏術，不關妖冶有奇謀。  
何如德化歸畿輔，瓔絡輸誠拜冕旒。

尤

梳

蝎螫

五更氈帳夢清酣，蝎尾傷膚太不堪。  
痛後摩挲思痛處，原來熟睡亦難貪。

中秋節對月有感

皎潔中秋月，榆垣景色饒。  
如何光有耀，只覺客無聊。  
舉首山間小，思鄉海上遙。  
閩中情切切，淚眼滴今霄。

妥帖挂晶球，寒雲澹澹流。  
可憐今夕月，不似故園秋。



秋響遏誰家笛光先近水樓兒曹應念父輟轉動  
鄉愁

余自暮春廿四日赴十二台當差匆匆已到  
八月去鄉日益遠思鄉心益切詩以感之  
我來自京華謫戍如守瓜栖守驛舍至日桃初  
花春草碧雞嶺春鴻過龍沙彈指光陰速月桂將  
吐芽桂花無所見流年令人羨青雲在少時鵬搏  
圖自便那知榮與枯倏忽如風電伏懋心懷慚著  
鞭力不倦無端遇賊軻宦海生風波域沙人罕到  
塞外嗟

三

蝎磨毒偏多亡羊牢可補失馬塞如何奔蹏走邊  
徼駸駸半載過半載過秋色老駝眠古戰場牛臥  
夕陽道氈帳客無聊愈覺歸鄉好明哲尙保身強  
自寬懷抱

養田兄惠寄酒饅式磁煙壺一枚並七言絕

一首依和原韻

心清羨比聞香妙量海慚懷獨我無不比人間麴  
世界終身狂飲任提壺

詩原著意新兼雅量本含宏有若無待得論園買

夏日願聆玉屑徹冰壺

秋色

龍沙到處是斜陽  
觸目時傷古戰場  
顛倒駝茸風動紫  
蒼涼塞草雨生黃  
欲尋紅葉無楓樹  
可惜華顏有鬢霜  
休說西遼雄霸畧  
荒樓何處認梳妝

秋聲

鴈陣驚寒八月秋  
嗷嗷澤畔動鄉愁  
擗衣何處砧聲遠  
行帳遙聞角鼓悠  
霜月滿營歌敕勒  
朔風吹骨響  
颼颼無情最是胡笳曲  
偏向羈人巧囀喉

塞外吟

三

秋夜

欲眠不寐奈何如  
况復秋風撼綺疏  
有夢難酬心上事  
耽吟聊倚枕邊書  
光搖燐火瞻沙磧  
冷到甃簷透雪廬  
幸喜未衰年少志  
青燈相照足軒渠

秋陰

鎮日陰陰旭日遮  
秋寒刺骨不勝嗟  
同雲慘淡天光黯  
曠野瀰漫驛道遐  
此地無山堪隱豹  
微風卷地卽飛沙  
行看捺鉢移高埠

秋冬遠寒春夏避暑  
隨水草挪移帳房謂

之捺鉢未雨綢繆三兩家

白翎雀

塞上鳥如脊令而小有白翎名曰白翎雀元人多詠之

懷禿腦兒上

猶漢言後海也腦兒華言水獺也

白翎寄好音元詞

傳樂府周誥儷珍禽雪羽光如玉霧言巧弄金如

何沙外宿不得借瓊林

金蓮花

花瓣似蓮較制錢稍大作黃金色味極涼佐茗飲之可療火疾七瓣一莖

數朵六月盛開至秋花乾而不落結子如粟米而黑

棲息邊關外閉花著意看有蓮符土色厥性屬金

寒春茗宜同啜青囊可共觀

五代史胡嶠自契丹亡歸中國云湯城淀

地最溫多异花一曰青囊如中國金燈之色可愛

秋來雞嶺上步步踏香

塞外陰

三

殘

卽景

塞馬山閒嚙草根作圖誰倩趙王孫羨他不受人

羈絆款款行來又一村

八月十九日寄到花糕詩以喜之

未到登高已食糕家鄉風味慰吾饕噉肩一聳題

詩句笑煞劉郎興不豪

自媿

自媿高譚常近迂一行作吏卽艱虞雄心欲展纔

徐步蠶尾無端已噬膚畢竟樗材非 國棟那堪

野鴈厭家鳧生涯舊有青氈在把卷依然守故吾

自歎

風塵自歎久蹉跎況復中年遇轍軻沒世無聞君  
子疾閑居有賦碩人歌省身敢爲途窮悔失足休  
貪巷過多回首萬端真莫解不如退步老漁蓑

自笑

自笑微官浪得名心緣欲速悞浮生食之鮮味猶  
雞肋逝者如斯等電明綆短翻慚臨古井經燕且  
塞外吟

三

擬學深耕早知畫虎徒辛苦何必終南捷徑行

自勵

自勵途窮志莫休天人爵好且交脩爲箕願紹良  
弓業折轆須懷短線羞路過崎嶇方覺險鋼非鍛  
鍊不能柔老當益壯箴宜佩况撫年華未白頭

樹堂七弟得生一子小名泉兒詩以賀之

閑居無事博懽娛黃耳傳來喜設弧正值游山登

蠟履貪看活水拾明珠

張城惟賜兒山雲泉寺山  
清水秀士大夫求嗣于此

往往輒驗余與傅靜齋于七月十三日游觀此山  
正值此子生日又名泉兒暗合寺名蓋吉兆也

臨風欲望依蘭玉

昇福暹福姿質皆好可以讀向書有成望此子有以似之

日還期是鳳雛

祖父與大伯祖二伯祖有三鳳之目丹鳳朝陽望此子有以

繼之恪守遺經勤學植吾家應得有環瑜

### 對鏡

任人各逞鬚眉還爾本來面目因何如影隨形只

爲成心不著

那是分明照面看來寸步誅心一見真情卽露此

君乃我知音

### 重九日縱筆

墨外吟

一

詩心活潑興偏豪峻極巖崖日幾遭不必尋山常

著履更先佳節已題糕

八月節後家中寄來花糕一匣甚美余前有七律一

首以滿城風雨人堪送

是日胡裕堂兩令姪起身進京

久客茱萸

夢勿勞笑煞先賢逢患難行吟澤畔注離騷

### 口外七律四首

分旗按翼任穹廬避暑違寒捺鉢居性喜番經無

異教譯成滿語卽同書雀離供處心香瓣

雀離佛圖見北

魏鮓答玩來手擊如

京房易占兵強王武則牛腹生石卽鮓答也西域人以淨

水浸之

足掌朝天齊頂祝廟名啣懶衛

皇輿

好客頻擎納石茶

即斃 裕茶

左憲

音軒

右致意殊嘉胭脂

不避閨中豔簞策時聽塞上譁適口充腸惟馬渾

安居樂業在龍沙皮囊乳酒鑼鍋肉帳外聞來味

更賒

一日寒暄幾變更羸衣裸體易陰晴春消方覺閑

花馥暑退即聽履薄聲

塞外五六月始布清和七月即隕霜矣

大野

風來沙似雪朔方氣冷木難榮漢家只守飛狐嶺

那得邊圉亦向誠

游牧惟欣野草肥夕陽隊隊帶斜暉願兒健馬頻

塞外吟

五

嘶去求母柔羊欲乳歸當暑駝茸飛擬絮

駝于五六月脫

毛風吹滿地似棉花

防宵犬吠臥環扉太平日久官無事閑

放東青學獵圍

口內七律四首

不是桓州是撫州

張家口舊名

邊關要地扼咽喉前明

通市恩原薄

張家口市台今名圈子前明與口外蒙古交易之所

故宋和戎

氣亦柔控制遐荒司翼設

都統衙門設左右兩司三翼彈壓滿蒙

孳

生蕃衍牧羣游

設太僕司大馬羣牛羊羣以司羣牧

境門弗閉凭來

往

康熙年間始開境門以昭一統

何事長城起戍樓

諸峯羅立如相對夾道村居列市廛數里寒畦資

水利通橋迤北四五里菜畦如井田式引河水灌溉民賴以生幾墩烽火廢山

巔平原得雨皆成海北地沙漠得雨卽成海名曰瀚海濁浪無魚

不用筌張家口水通渾河浪濁無魚飽食何須頻問歲依依試

看萬家煙

攘攘熙熙儘客商相權子母費平量鰲池有權征

難緩鹽井私行價不昂村婦不知梭織苦張家口婦女日

逐游戲不知梭織山農那解井田良分畦引水惟澆菜春

韭冬葱味最長

塞外吟

三

記來里鼓路非饒此去春明四百遙佛相長生求

大寺張家口萬壽寺俗人名曰大寺人煙稠密過通橋通橋乃張家口通衢

孔道鎖鑰西鄰晉省車同軌張家口大半皆西人近地燕山馬便

驕禹跡未經恆碣處恆碣以北皆禹跡所未經卽今雨露沐

皇朝

夜月

盼到三更又五更宵長最是月無情寂寥景對形

隨影澹泊心忘利與名近水樓臺無我分關山皓

魄爲誰清溶溶坐照渾難寐觸想家鄉算旅程

種紙

紙本文房寶何來綠一莽只綠蕉可代翻覺種偏  
堪畫肚情尤膩書裊興倍酣隨時工染翰價鄙洛  
陽譚

潑墨

滿幅雲煙潤陰陽向背閒硃光虛點綴墨色寶斑  
爛明媚花兼柳回環水與山淋漓殊盡致好手等  
荆關

試筆

塞外吟

毛

清新抒妙理毛穎試相拈詩興文心活濃情澹意  
兼藏鋒無貴露高價弗傷廉旅況誰為伴端書正  
未厭

洗研

疎慵連日慣玉海萍松膠洗濯心同印依稀墨聚  
坳幽人常作伴司空圖筆名璧友此堪交華先生所製研試想  
魚吞樂痕浮水面泡

九月廿九日偶感風寒詩以誌之

疾疾人恆有邊居境益悲深山多妙藥相士少良



醫易惹鄉關夢難令婦女知知時心惴惴益切望  
歸思

冬日

幸有駒光曉日經佳晨緩緩透窗櫺天教寒谷春  
多到我媿冬烘戶尙局短景正欣繩可繫分陰只  
羨晷無停駸駸旦晝頻來往待滿瓜期返戶庭

冬山

濯濯山光映水光冬來景色最蒼涼雲容寂寞渾  
宜睡雪色模糊莫擬妝祇覺岳嶠多怪像那堪峭  
塞外吟

天

冬雪

蒨足相羊層巒疊嶂如相續陟望家鄉道阻長  
連朝瑞色遍坤維塞凍郊寒雪澤垂春草有根丹  
潤骨羈人欲望白橫眉光搖沙磧迷銀海冰結穹  
廬冷被池歸夢未成思作賦吟肩得句莫遲遲

冬課

自悔拋書已五年邊居夜課繼前緣破愚願濬心  
源活積學懷慚腹笥便舊業重恢惟白簡生涯到  
處有青氈書囊坐擁三冬冷健僕頻添楫楸煙

養田二兄新受員外郎詩以賀之

遙聽鶴原喜，抒成鴈序詩。遷喬鶯振，翻展足驥飛。

馳試負三條燭。養田兄丙子科業經中試，額滿荐遺殊負三條之業。榮還五

品儀頭銜宜孔雀，心事記牟尼。比部冰兢日，兵曹

龍勉時戎行親，練習案牘費神疑。由刑部迴避兵部，現因西域蠶

動不靖派辦戎馬，清慎勤同繼。常高祖曾蒙御賜詩書，清慎勤三字匾額。

禮自持方圓，孟水印高下。秤平期行已，惟恭著同

寅。尚恕施謀猷，陳異日為守。在今茲節儉承，先

意栽培裕。後知池塘厯，遠望俚句待紛披。

塞外吟

无

市台廟聞笙

何處匏音過，碧霄盈盈入耳律。偏調原來羽客禪，

初定頓覺羈人熱。內消葭管灰飛，雞塞冷梅花雪。

釀鳳城遙，梵聲縹緲迴鸞鶴。願聽皇經協舜

韶

寄懷真莽姊丈時真莽因部照案鐫二級調

用

雲梭往復風為錦，花信更番水落紅。等是繁華頻

過眼，那堪著迹問天公。

舟沈乍見驚方駭，埴蹟曾經氣已舒。我本疎頑固  
應爾，君猶淪落況其餘。下一韻用東坡舊句

最難折柳學灣腰，豐稔田中研更饒。腹笥便便沈  
睡醒，且將談語慰無聊。

不作悲歌不學騷，臨池呵凍偶拈毫。試思塞上棲  
遲客，尙自亡羊思補牢。

### 野眺

冬郊頻徙倚，野曠豁雙眸。蒼茫雲煙渺，依東坡蒼茫二字讀

日仄空濛雪意浮。兒童閑騎馬，山寺遠觀樓。望望

### 塞外唵

三

皆佳境，賞心慰客愁。

王家墳者墓在通橋迤北，聞康熙間曾任提

督籍隸，宣化其名則無所考久矣。余於戊

寅夏日到口，偕胡裕堂、傅靜齋同往觀焉。

心有所感，冬日憶及之，偶作此詩以誌其

之

時在戊寅歲，屏跡來塞壖。張城逆旅中，火繖張炎

天。偕友攬勝蹟，古墓臨山巔。不知官何名，但以王

家傳局勢何其美。來山與去水，樹植何其叢。松柏

襍杞梓邱壑何其佳亭臺崇階阨祀事何其明蘋  
蘩采沼沚當其勅造時動以百年期那識再傳後  
荒廢棄如遺豈無守業子克紹等弓箕天道有泰  
否興衰數之奇遊焉三歎息臨流憇岩側客言堪  
輿理在地尤在德初聞言似庸細繹實堪則縱論  
正無厭漸覺日輪昃冬來紀行蹤往事耿胸臆憶  
昔范文子叔譽交相得暇日觀九原持論具卓識  
天心無古今所與惟正直因遊法前賢名言足矜  
式

塞外吟

三

冬夜有懷子助

時值三年考績  
之期甚盼佳音

霧運池塘句東坡蟋蟀吟更寒同入夢歲晚幾馳  
心待漏星霜冷論資日月深考勤膺計典埒望  
得佳音

思歸

屏迹邊關四序周人生到處等浮漚飽餐頓頓如  
添塹偕友行行攬勝游最好著書脩蠹簡更堪馳  
馬試華駟此閒信美非吾土安得盤桓爲久畱

夜坐無聊作小詩八首用東坡出都來陳所

乘船上有題小詩八首不知何人有感于  
余心者聊爲和之之韻

暮春北地來伯仲送南浦竚望復連牀再聽風共  
雨

飛倦鳥知還水寒魚不餌我心會在茲今昔異非  
是

落落方原大惔惔過摘微友朋雖可畏吾土不忘  
歸

瀚海屆冬時澤堅無蕩漾何如一葦杭春汎桃花  
塞外吟

漲

搔首瞻明月痕畱月一灣清光無所照山外有寒

山  
欹枕難成寐風霜到被池僕夫慰寂寞共看斗同

箕

詩家窮後工秀語奪山綠入世苦寒酸聊爲成俚

曲

我性雖云急讀書養太和邇來得所鑑古井不生

波

嘉平廿六日 養田兄寄來手示一緘并附

七絕四首示知新正元旦必有 恩赦旨

意兼示昇暹二福讀書日進詩以喜之卽

用原韻

悵悵台前罔所之來章排解更無疑分明畏我知  
歸晚故寄連牀聽雨詩

別來朔漠未經年詩禮能傳繼緒賢華 國文章

售世早竚聽策對達人天

最難返樸復歸真經濟焉能不用心若以存亡參

塞外嗟

壹

物理得弓還是失弓人 養田兄久困鄉闈未得中式及仕又三經迴避鬱鬱

久之今日陞遷之速不亦宜夫

鴻飛目送幾多時竹報傳來 詔有期盼到杏花

春雨候願從抵足慰相思

雲濤先生以文學之宏才恢恢從政和平爾雅  
風度端凝蓋信乎具君子之德而負大人之望  
者也暇日以舊作塞外吟一編見示始知

先生童時慧敏受業於伯父 遠臬中丞督課  
嚴密凡遇課菽必歸於毫髮無憾而後即安甫  
逾弱冠小試京職偶以微譴謫戍軍臺從公少  
暇發篋中篇籍昕夕搜討無稍懈閱一載蒙  
恩賜環回京復應會試即得高捷以邑宰

跋

簡發三輔洵由刺史歷官大名司馬兼權天津  
保定太守循序漸進溫溫然絕無躁競之意蓋  
涵養至深且粹矣集中詩格謹守唐宋人規範  
而措語雅潔忠愛之中彌復諄摯篤於壘麓之  
誼絕鮮憤誹之辭蓋讀書味道之功處困不移  
之節可於篇什間窺見一斑焉至於寫景物紀  
土風並其山川勝迹大略具載于長謠短什竊  
謂可補太平寰宇記之所未備者又不僅徒供

口耳吟諷已也校字既竣爰敬識數言於冊後  
道光甲辰嘉平既望石門方廷瑚拜跋



直隸甲辰嘉平朔望石門方廷瑚拜跋

口耳吟諷已也校字既竣爰敬識數言於冊後





